

ӨМНӨХ ҮГ

Монголын Хүн Ам ба Хөгжил Нийгэмлэг, Хүн Амын Сургалт Судалгааны Төвтэй хамтран НҮБ-ын Хүн Амын Сангийн санхүүгийн дэмжлэгтэйгээр “Монголын Хүн Амын Сэтгүүл”-ийн 10 дахь дугаарыг бэлтгэн эрхэм уншигч та бүхэнд толилуулж байна.

Сэтгүүлийн энэ удаагийн дугаарын “Судалгаа” хэсгээс Монголын хүн амын нас хүйсийн бүтцийн өнөөгийн болон ирээдүйн чиг хандлагын талаарх сонирхолтой бүтээлтэй танилцахаас гадна Улаанбаатар хотод шилжин ирэгсэдийн ажил эрхлэлтэнд нөлөөлөгч хүчин зүйлсийн шинжилгээ сэдэвт судалгааны ажлын үр дүн, тэндээс гарсан дүгнэлт зөвлөмжүүдтэй танилцах болно. Сэтгүүлийн “Сургалт” хэсгээс судалгааны мэдээллийг богино хугацаанд үр дүнтэй боловсруулах, мөн Монгол Улсын ястангуудын тоо байршилд гарч буй өөрчлөлтүүд, болон Олон Улсын хүн амын статистикийн үүсэл хөгжил, өнөөгийн байдал зэрэг онол арга зүйн бүтээлүүдтэй танилцах болно. Түүнчилэн “Үзэл бодол” хэсгээс та бүхэн нийгмийн халамж үйлчилгээний үр ашиг, чанарыг дээшлүүлэхэд чухал үүрэгтэй нийгмийн ажилтанг бэлтгэх ажлыг эрчимжүүлэх асуудлын талаар уншиж болно.

Монгол Улсын хүн ам, хөгжлийн асуудлаар эрдэм шинжилгээ, судалгааны ажилд оюун ухаан, мэдлэг чадвараа зориулж буй нийт эрдэмтэн судлаачид, мэргэжилтэн оюутан залуучууд та бүхэндээ мөн сэтгүүлийн дугааруудыг бэлтгэн хэвлэхэд байнгийн дэмжлэг, туслалцаа үзүүлж байдаг НҮБ-ын Хүн Амын Сангийн Суурин төлөөлөгчийн Газарт сэтгүүлийн редакцийн нэрийн өмнөөс гүн талархал илэрхийлье.

Эрхэм уншигч таны оюуны мэлмий тань тэлэх болтугай.

РЕДАКЦИЙН ЗӨВЛӨЛ